

永樂大典卷之一萬九千四百二十一

二十三勅

站 站赤六

經世大典延祐元年二月十一日同知通政院事燕鐵木兒兀魯思不花奏乃者本憐等三十二站消乏故議遣使賑給鈔二千錠米二千石今聞聞闕出掃憐之外六站困乏尤甚貧戶之艱力不能致乞令站戶之有牛駝者馬之運送奉聖旨準都省給降鈔米從通政院遣使給散去訖二十五日中書省奏聞關驛傳旨先立中政院時曾與鑄馬聖旨。在後革罷中政院其聖旨盡行拘收。奉改立典內院。復給起馬聖旨。今中政院既復立。可將典內院鑄馬聖旨。於都省送納。以前時拘收聖旨。回付中政院。欽此。竊照先立中政院。計與一百一十三匹。共四十道聖旨。典內院減半。給與五十六匹。二十道聖旨。今將典內院名字所與者。拘收。躬寫中政院名字八十匹聖旨與之。若何奉聖旨準。是月保定路言定興等驛至相鄉。皇慶二年旱災。人民至食木皮草葉。路當南北衝要。使客繁多。車力不敷。鋪馬損斃。站戶當役不前。逃竄者衆。若不補換賑濟。誠恐隳廢站赤。都省

議得良鄉至相鄉馬站一十二所。車站六所。每馬一匹。又芻粟錢中統鈔三錠。車一輛。支鈔六錠。總支六千三百錠。以賑之。奏準聖旨。差官馳驛。同各處正官照視各站實有車馬數目。欽依給散。所獲在逃人戶。督勒合屬招諭復業。馳鈔脚力。依例應付。三月十五日。中書兵部。準提調印經官關。欽奉聖旨。已印經文。還達古兒赤王。安童寶兒赤脫火赤等。前去江西江浙等處散施。請給驛事。又都功德使司。關奏準杭州所進品次錄等。經文安毛法師使弟二人。送至李王朝漢河西僧寺。合用站車鋪馬。省部應副都省照擬。去年差官諸路送經者四十餘起。猶有未回保定等站。因值水旱之災。人戶逃徙。其送經人員。多因還家營私。既非公選。必擾僧俗。一則郡縣迎接。妨廢公務。二則出無定處。恣其所向。三則事無程期。經年不送。站亦消乏。皆由於此。二十七日。奏聞者遣使降香念經。所過行省路所州縣迎接。科歛僧寺錢物。以此之故。嘗奏所差者。每至城邑。與行省官開經焚香繞畢。即回。及將印記經文。就命各處行省奉使因便附去。今提調印經官復奏。專使前去。臣等議得各處似此送經者太多。又踰迎接科歛之弊。今後宜令提調官。明具經數所散何寺。從中書省公差有職役之人。送至行省。轉運散施。似為便益。奉聖旨準。都省欽依。送兵部施行。聞三

月二日崇祥院使野訥等奏所管平江鎮江兩路常住錢糧各設提舉司
幹辦每處請給常行鋪馬二匹站船二艘奉聖旨鋪馬令翰林院書寫聖
旨給與站船取於江浙行省本院欽依先咨江浙行省及翰林院出給站
船鋪馬劄子後關兵部照驗本部呈上項提舉司係外路五品未有給降
鋪馬站船劄子通例似難議擬宜從都省移咨江浙行省并劄付崇祥院
拘收照會翰林院欽依禁止相應都省檢會諸衙門不得隔越中書省奏
事之制送兵部欽依施行六日中書省奏寬徹言塔失之城立站去年
奏準支給駱駝一百隻馬三百匹以充轉送隨有使臣自哈兒班答來進
豹子者盡數起獲鋪馬其時馬駝方從速來膝力未充過川其間覽者太
半未免將軍人馬匹當站今存者又無幾矣臣等議謂死損鋪馬不可不
補置之如今行省官驗其倒斃之數給價和買補置庶幾便當上從之
又奏哈兒班答也先不花等使臣進送葡萄酒來者實煩驛傳勞費乞諭
典酒之官今後如何較量供送與都護府官議奏裁處奉聖旨準是月
江浙等處行中書省言本省總攝兩浙江東福建四道地廣且重使客頻
繁近據杭州路照勘到在城馬站現在使臣五十三起日支分例計中統
鈔八錠一十五兩有餘皆是各位下差來印經蓋章成造供器催徵田糧

等事。每起給馬三五匹。驛舍充滿。輓貨民居。動經年餘不還。日乘小鋪馬一百二十餘匹。常支羊肉水例。馬無停閑。戶多死徙。蓋是各位下。及在內官府。不經都省。徑直遣使給驛。以致斯弊。又有於所起馬內。轉移摘攬。接易關文。或初增元判。亦等馬匹。因循不便。宜從都省立法。關防給驛。優恤站赤。省部議得各位下。及諸官府。除軍情錢糧急務。董事給驛。禁約出使人。不得於所起馬內。轉行摘攬。初添元判。亦馬匹。行移徵政院。及合屬依上檢察禁治施行。又大都驛。及舊運糧提舉司。步站所。言各站驢馬。倒死。人戶逃竄。今年旱。渴餓。已接濟事。都省以大都之驛。繁劇甚於他處。量擬每馬一匹。日支陳紅粟五升。舊運糧提舉司。步站所。拽車驢。每頭日支粟二升。接濟兩月。大都驛馬九百八十八匹。每匹日支粟五升。兩箇月。粟二千九百六十四石。驢二十頭。每頭日支粟二升。兩箇月。粟二十四石。舊運糧提舉司。車五百八十九輛。每輛驢七頭。計四千一百二十三頭。日支粟一升。兩月支粟二千四百七十三石八斗。步站所。車一百九十四輛。每輛驢八頭。計一千五百五十二頭。兩月支粟九百三十一石二斗。四月三日。中書省奏。給中統寶鈔一萬錠。賑濟西番站赤。初。皇慶二年。十二月。擢思班武靖王。今。貢言於宣政院。謂烏思藏。朵甘。思朶思麻。三路站赤。

近年以來馬匹病死人戶貧乏請開奏賑濟事本院啓奉皇太后懿旨今與都省同議賑濟之宜檢會得至元二十九年元貞二年小只愛亦伯桑甘思烏思藏等站經值寇攘中書亦嘗給降馬牛寶鈔差官接濟今烏思藏等除小站七所勿論其大站二十八處遙送西番布施來往之使實繁人戶數少驛程近者不下三五百里年深未曾給惠省院公議依例接濟又為在京錢物不敷定擬二十八站各給中統鈔三百錠總計八千四百錠若或不足就於宣政院所轄西番課程錢物內斟酌增給都省官啓奉皇太后懿旨宣政院官暗普等言前站重困非增多賑濟不可宜又鈔一萬錠以與之至如西番出產物貨及供奉於我者亦可增與整治站赤款此奏奉聖旨準上給降賑濟去訖七日中書省奏通政院言脫忽脫大玉位下撥出鐵里干站自闊幹禿至小只凡一十驛今春值風雪沙土鋪馬多倒死站戶乏粮祇應無從所出若不少加接濟愈見困乏今議每站各與白米百石中統鈔百錠今上都留守司通政院差官給散之上曰可五月八日中書省奏功德使司言奉旨遣答里馬失里等前詣杭州僊靈等寺降香請給鋪馬臣等議得五嶽四瀆名山大川歲時降香固當奉傳將命其餘小寺院或所不宜合無嚴行上曰答里馬失里勿去省差宜

使一人可也。對曰：此等寺院非大利上位如此，致有怨不宜。上曰：朕實命之，但勿令僧司遣使從爾差宣使費行。今後似此令人降香，爾再奏者。又奏杭州所進八藏經文前者月曾鐵木兒奏令送至河西之地，移文省部逐旋發去。今又奉旨復送六藏經文前去所慮大都迤西驛傳遞送西番僧人舍利往還頻數，困乏莫甚。請停六藏經。俟秋收之後，徐議發去。奉旨：今姑止之。後收量各站氣力，逐旋遣送。十七日，中書左丞相阿散等奏：保定真定二路所轄定興至栢鄉十站，去歲值災，因未不收站戶貧乏。逃徙者多有之。若不整治，誠恐隳廢。風憲有司屢嘗陳說，今擬至大四年已前逃亡消乏站戶於相應民戶內僉補，委真定路總管馬思忽保定路總管教化二人提調，毋令勦衆。其在皇慶元年已後逃徙者，招誘復業。六月十二日，中書省奏：御史臺言奏準行臺及廉訪司官之任，今後不以遠近往回成許給驛，其去也則從此給降起馬聖旨。回時驗所受宣勅，但今所受宣勅，但今所司依元去驛馬數目給據應副。臣等議得遠方地面之任，回還合與驛馬船隻已有定例，乞只依先例行之。奉聖旨：準。二十二日，中書省奏：在前典瑞監除掌金字圓牌外，復有鋪馬聖旨三百餘道。至大四年，將此聖旨納于翰林院，以此金字圓牌遺發不教，續已奏請增置五

十面。自去年以來。但干細稅。并商價之事。皆佩圓牌而行。至今未收入者有之。蓋圓牌遣使初為軍情大事。而諒宜可濫給。自今餘事求給牌面。不經中書省樞密院者。宜勿與上曰。卿等先取勘數目。安有此理。今後只令軍情公事差使者。二十三日。中書省奏。先為西邊過川兩界軍人馬匹傳送頻數。物力消乏。已嘗奏准。各與馬三百匹。駱駝一百隻。以當站役。尋值風雪勞苦。喪馬一百九十九匹。駱駝二十四隻。今甘肅行省來請補置。臣謂彼方川石之地。馬駝之斃可知。若不補置。必損軍力。宜令行省隨所闕者補之。不數之數。卻用軍人馬匹添贖。上曰可。七月十八日。中書省奏。前者以西邊川地。軍人當站消乏。奏準令甘肅行省買馬駝應副文遣。仍追復蒙古站戶當役。今本省回咨。欽遵上命。追究元當站羗吉利準行哈等戶。仍令復役。及於曲允沙州瓜州上戶內。食補一百戶。以充察巴站役。既而諸王納忽里執把聖旨。云屬本位下種田戶。有司不得侵犯。於所食站戶內。指揮位下戶計者。取去。咨請照詳。臣等謂元降聖旨。止以百姓數目屬之。豈可不令當站合依元食民戶。仍復其役。奉聖旨準。是月中書省奏。過者議將元食站戶。發遣答失城當站。數內有四枝滅吉隣民。或稱屬阿八赤。昔寶赤。因以避役者。據諸王南忽里來文。稱當時百姓衆多。

故充阿八赤。昔寶赤。今百姓數少。合令當站。此議誠然。又減吉隣民有散居各處者。宜從彼省與南忽里差人收聚。悉令當站。奉聖旨準。十月十九日。中書省奏。整治遠北軍力。今聞鐵里干站地草生。計時合給戍軍錢物。須藉站力運。公議自大都至李陵臺。漢地之站。各與鈔一百錠。鐵里干至和林蒙古站。各與鈔二百五十錠。桓州灤陽兩站。各與鈔七十五錠。總文鈔一萬錠。前去給散。上曰可。二十四日。中書省據御史臺。備西臺監察御史言。甘肅納憐驛。係蒙古軍人應當專備軍情急務。其餘非關緊要。但懸金銀圓牌。往往取便。經行若不禁止不可。下兵部通政院議。今後除懸帶金銀字牌。面道報軍情機密重事。使臣使行納憐驛道。其餘一切出使人員。俱合元魯思兩道。漢站遞送。及葡萄酒。依在前年頒令駱駝般運至漢站。接遞赴都。誠為便益。都省準呈。二十七日。中書省奏。乃顏叛亂時。水達達女直等站皆廢。續為進呈海青。故收聚舊來站戶。及倉糧間元路編民。乃顏戶計。同當站役。已經奏準。世祖皇帝聖旨。但是已當定站戶。諸人毋得替換。今遼陽行省來言。開元路官以王雪兒等驛程遙遠。撥於水達達萬戶內。撥一十五戶。更代王雪兒等。共當站役。蓋緣前站乃世祖皇帝定制。毋得替換。是則水達達戶內不當差撥。止合王雪兒等依舊

當站奉聖旨準。是日中書省又奏西番僧乞刺思八班等六人元起鋪馬十一匹赴郡今欲回還正有三人復索元來馬數兵部止給八匹。馳駝過重行至涿州為監察所劾每駝稱片一百七十事下刑部詞伏擬杖六十七宣政院官俺普言于上曰是僧遠來所將囊橐乃上所賜物也。以此過重請增鋪馬三匹達令回去奉旨準。又奏西番僧人駝子定制一百斤之上勿令負載今所駝過制多索鋪馬三匹罪當六十七臣等以為僧人權假免罪多索鋪馬不可復給若有御賜之物則從驛傳每駝不過一百斤其餘覬覦之貨不得以官力行上曰可。又奏沙瓜州立也儲總管萬戶府掌征也田公事請給差使鋪馬聖旨內起馬二匹者二道一匹者四道奉聖旨與之都省送兵部行移翰林院欽依譯寫給發施行。是月兵部呈為保定中出真定等處站戶消乏西僧給驛繁數人馬被害宜從都省劉付宣政院行下土著宣慰司都元帥府移咨陝西行省令臨洮府等處脫脫禾孫欽依累降詔書分揀禁約毋致泛濫重載及令御史臺照會廉訪司查勘各站遞運使臣糾其非違都省準擬施行十一月二十六日翰林承旨減怯克等奏諸府官各枝遣使先定鋪馬貴別里哥來索起馬聖旨從之則為數過多不與則懼違上命今後乞依都省定例隨其

品秩出給鋪馬無品級怯薛人貢給馬四匹以下本院議書四品以上者
奏又其餘官府不經都省照會求起馬聖旨者亦乞止之奉旨若曰卿言
是也可移文都省通行諸官府知之十二月三月中書省奏通政院言
納憐一道二十三站人戶闕食請接濟事臣等議得當站之人各與三月
口糧近倉者給以米粟去倉遠者量價給鈔上曰可都省遣使與甘肅省
委官親詣二十三站取勘戶數每戶五口為則少者從實大口月支二斗
小口月支一斗接濟三月口糧就於各處附近倉覓在糧內支給去倉
遠者照依時值準支官錢支訖來三千七百六十七石四斗鈔五千二百
七十三錠二十兩是年冬通政院準也可扎魯花赤口千僉通政院事
那懷言本驛站迤裏苦鹽泊至剗哈站今歲天旱禾苗不獲戶口饑饉鋪
馬羸損凡有使客靡不失惜所以賑濟人馬易糧者院官其圖之又據興
和路脫脫木孫申苦鹽泊至燕只哥赤斤等四站經值霜雪阿察火都至
寬迭憐不剌等五站自春至秋早曠無雨禾草不生站戶消乏尤甚皆請
接濟糧料本院關兵部照九站實有戶口馬匹接濟米粟似望不致廢斷
本部以前站即與川中察罕慈赤海等一十七站接運彼既接濟此亦一
體具呈中書省區處都省奏准每站各與糧一百五十石令通政院差官

同河東宣慰司官前去體勘。分別端的。貧下站戶。就與附近官倉支付。去倉速者。發時價給鈔賑之。二年正月。翰林院欽奉聖旨。換寫諸王沙藍常川起馬四匹聖旨。除欽遵外。錄達漢字檢目呈省。都省尋議拘收。行據本投下。隨路民匠總管府申。年例五戶絲於大都關支。其陝西奉元路所設打捕鷹房民匠總管府。掌役怯憐口戶。辦納軍器皮貨物色。及河南府路。人戶賦稅。每年差官欽責起馬四匹聖旨。前去各處催徵。於八月內特奉聖旨。今沙藍大王赴進北稱海住冬去訖。即日奉旨。方當催辦。如蒙照依前例。給降鋪馬四匹聖旨。備用。似不失去。今責元降起馬四匹聖旨。一道。回納省庫收貯。省部議得。本位下元。給起馬聖旨。既以拘收。今後果有合行差使鋪馬。從本府申部呈省應副。二月二十四日。宣政院奏。諸出使西番者。自京兆臨洮府。附帶碧甸子。銅籠。悅樸。靴。復裝。獸鋪。以營市利。如此兒濫。合今京兆臨洮府。泥河所。設脫脫木孫提調檢察。果有商販之物。來使科罪。其貨沒官。奉旨準。是日。中書右丞相鐵木迭兒等奏。諸王公主駙馬頻數遣使。前赴西番之地。以改站赤困乏。若不奏聞。恐宣政院隔越中書遣使。乞令省約。奉旨可。要臨洮府能幹脫脫木孫一員提調。二十七日。中書省奏。前者翰林院奏奉聖旨。今後依都省定例。隨品秩出

給銷馬無品秩陸薛人員給馬四匹以下本院區慶四匹以上奏臣等已
準來文今議依先例諸王附馬并蒙古各千戶合給銷馬聖旨翰林院議
之除此之外諸官府庶務遣使乞依舊制令白於中書然後行之制可
是日中書省又奏去年典瑞監為差使金字圓牌不敷增造五十面當時
曾奉聖旨追究往前已發未納之數且謂今後非軍情事不得差使未幾
典瑞取勘初置圓牌總二百七十二面自至元十五年以後給付諸人未
納及值諸王失列吉要木忽兒等叛亂賁帶前去或為兀魯思隱占行使
者有之難以窮究以此世祖皇帝不用舊來牌面初置此項圓牌及造小
圖書鈐印馬數以為記驗今請依前旨金字圓牌除軍情大事外不合差
使似為便益奉旨是也宜今追之都省欽依行移各處照會施行是月
嶺北行省咨任回官負脚力止依品級應副站車邊方酷暑寒重地實比雲
南福建風土不同若依舊制應副元來銷馬站車回還度見優恤省部照
擬元行舊例職官依驗元去銷馬站車數目應副今譯史宣使人等元給
銷馬二匹內量減一匹卻就站車一輛回還相應回咨嶺北行省依上施
行三月二十四日通政院準木憐阿失不剌察罕急魯渾察罕慙赤海
三站言從壬子年至今天旱芻草不生去年運運軍器雖曾給散鈔物皆

以銷用。自冬徂春。連值大雪。黑風飄散積草。鋪馬缺乏倒斃。所存不過二三十匹。以供走遞。大率羸瘠。亦皆死損。馳驛者既已失候。遲遲又且住滯。站戶及妻子往往餓死。喪亡乞救濟者。本院開部議。得川中阿夫不判等三站。接連嶺北一道。通報軍情緊急重事。擬合斟酌接濟。具呈中書省。議得每站增給馬五十匹。准支價錢中統鈔三百錠。從通政院委官開領前去。同河東宣慰司官。給付各站買馬當使。仍接濟米糧各一百石。以給貧下站戶。就於靜州等處倉內放支。其去倉遠者。驗時直準鈔與之。於四月十七日。奏奉旨。二十八日。中書右丞相鐵木迭兒。左丞相阿散等。啓於皇太后行幸之時。沿途納鉢。常令準備車輛。或先期一月之前。膏車秣馬。俟候。致令頭匹損瘦。又奪農時。臣等會議起發之時。各枝合與車輛。就此應副。其沿途納鉢增索之數。不須與之。已奉聖旨。准奏。故再啓請。奉懿旨。勿與可也。都省敬此。送兵部依上施行。是月江浙等處行中書省言。平江路站赤。多有各投下差來使臣。催徵撥賜田糧。日來鋪馬坐食。依例動經半載不去。其田既有差設莊官。合無定擬。不須差官。就合莊官將收到糧斛變鈔起解。實省鋪馬祗應。請區處事。省部議得。所言出使人員。乃在都徽政院等官府所遣。而各處俱有所屬之司。回咨江浙行省。照勘差去官。委有所屬司存。照依定例。大事應付。

首思鋪馬八日。小事三日。餘外不許支給。其無所屬。及各技下人負督責。有司欽依。至元新格程限。早完其事。發遣以行。五月武備寺言。蒙古行營甲匠成造。到皇慶二年皮甲一十九副。照依年例。於保定路取給鋪馬一匹。站車一輛。本路教化總管為押運人。別無欽賣聖旨。不準應付。有礙起納。本寺卿聞。聞出等奏。奉聖旨。軍器乃大事也。何故阻之。可移文都省。下各路。今後納皮甲鋪馬。毋得阻當。請欽依施行。兵部以武備寺。隔越中書奏事。干係政務。上項皮甲。即係年額之物。若押運人負。欽賣聖旨。依例應副鋪馬。如無則。以快便脚力起發。以此議得。今後軍情急務。起發軍器等物。押運人負。果合衆驛者。於本路已降差使聖旨內。就便給發相應。呈蒙都省。准撥運送兵部。依上施行。仍關武備寺回奏。六月二十日。中書省奉旨。遣朵驛也先帖木兒。亦納失里。往五臺散養齋。給鋪馬一十五匹。又遣闊兒魯班。冊等。至五臺山。開讀藏經。給馬八匹。欽此。擬給金字圓牌二面。左丞相阿散。以為舊制金字圓牌。乃軍情大事所用。今讀藏經。散養齋。恐不宜給。二十二日。尚書乞塔。以其言奏聞。奉旨。權宜令去。今後軍情公事外。其餘毋得行用。中書省送兵部。欽依施行。二十五日。平章察乃。通政院使寒食等奏。哈思哈那充二十四站廢絕。奉聖旨。每站各與馬一百匹。每匹價鈔六錠。計鈔八千四百錠。都省欽依給降。委

通政院判帖木兒不花。前赴各站給散訖。是年冬。湖廣行省。備興國路判官朱承直。言江南赴任。及任回官。負宜令鎮守軍官。巡尉捕盜官。相參防送。所至於官舍宿泊。量給粥食。庶便往來。且免盜賊劫掠之患。中書兵刑部議得。鎮守巡尉司弓兵。本以禦賊盜。若令防送往來官。負有妨警捕。加之各處年銷錢糧不敷。難議供給粥食。宜令所在官司。驗所授宣勅文憑。止宿官舍相應。都省準擬。三年正月十四日。都功德使華真乞刺思站班奏。奉聖旨。捫思羅師父。門徒唆南監藏者。欲回朶甘思之地。本僧每年率三十衆。為朕起建具送好事一月。其令省部斟酌。應副銷馬以行。兵部議得。所索銷馬。別無欵實御寶聖旨。具呈都省給降。四月十二日。丞相何散。平章李道復。兀伯都刺等奏。班吉幹節兒。講主之下。三丹講主有疾。奉旨令同輩真乞刺思師父。回還兩番。三丹及其徒共四人。起銷馬四匹。又捫思羅師父。徒弟唆南監藏等六人。起馬六匹。都省覓存銷馬聖旨不敷。若與此僧。亦難拘收。合無定擬。西番回僧。令翰林院斟酌。擇節譯寫聖旨。與之奉旨。准。都省欽依施行。二十六日。通政院言。納憐二十三站。消息。除免忽兒月良九站。已濟芻粟外。哈溫至東勝一十四站。未有。與甘肅行省。非奉都省明文。率不津濟。今每站有馬二百匹。去年天旱無草。靡

不羸瘠設有軍情給驛豈不失誤都省遺本院通事撒里前去甘肅省等處給散料粟七千九百九十六石七斗。二月二十二日武備寺言于中書省奉旨統領各處司院催督軍器舊制上都大都各給鋪馬聖旨八道。去年拘收入省嘗以軍器公事為重奏奉聖旨累次移文兵部請給不至。今來軍器趣起難俟兵部取發請依已降聖旨早賜給降事都省送兵部照得皇慶二年七月二日已經奏準聖旨除樞密院御史臺宣政院徽政院也可扎魯花赤外其餘衙門鋪馬聖旨皆令拘收若議再與似成偏負如武備寺果有差違移文都省給驛除欽遵外合令武備寺依上施行。

六月十一日將作院使哈撒不花傳奉聖旨朕聞諸王駙馬各技兒遣使至五臺降香及西番僧人指以降香遊五臺為名乘占小鋪馬站車多取外例使聖州臺州兩處官司百姓被擾其令殊祥院分揀各技來使僧人。有事者量給鋪馬分例無事者三日之外不得給從彼赴都之人亦分可否給驛中書省宣政院功德使司皆令移文照會欽此殊祥院移關兵部依上施行。九月湖廣行省備廣西道宣慰司言遠方之任官負父母亡沒奔喪丁憂因病作闕卻令自備脚力跋涉江河若貧薄無力留滯邊遠有失親喪誠可憐憫兵部參詳合準行省所擬照依已定品級陸路長行

馬匹芻粟水路斟酌應副站船出還相應都省議得見任遠方官身因病作闕難準所擬奔喪丁憂人負照依任滿得代一體應副脚力出還移咨行省及下兵部依上施行。是月江浙行省咨差撥祇應庫子令各路照勘正貼戶實有餘糧除下戶外下至十石多者積算通融計日應當周歲輪派一次請照驗事都省準擬回咨依上施行。十月衛輝路言于河南道奉使宣撫及本道廉訪司本路車站正當衝要所設車一十五輛逆運不敷竊照鄰郡彰德路宜溝站額置車二十輛即與本路一體兼本路水站置船三十艘人丁二百五十名雖備而少用奉使與廉訪司公議摘除車站一十艘人丁六十名每船二艘丁一十二名改設站車一輛總增五輛以備逆運官民皆便呈省請區處事省部議得既經奉使宣撫及本道廉訪司定論準擬依上施行。四年正月九日通政院使木吉等奏苦鹽泊至迭連不刺九站消乏數內寬迭連不刺喇塔兒兩站馬戶為叛戶所奪來請接濟臣等議得彼處答吉倉見貯官糧其間七站乞各與米一百石可自取之寬迭連不刺喇塔兒兩站各與一百五十石就令答吉倉佃戶送致之仍委都事完者帖木兒給散奉旨準總計給米一千石。二月一日通政院使塔海忽都魯太僕寺丞幹羅思奉使回奏整治帖里干站亦